



Broj: 01-147/18
Vareš, 30.07. 2018. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06 i 51/09), člana 22. i 95. Statuta Općine Vareš – prečišćeni tekst, broj: 01-162/12 od 11. 09. 2012. godine Općinsko vijeće Vareš, na 19. sjednici održanoj 30.07.2018. godine, d o n o s i

ODLUKU
o usvajanju Platforme za mir 2018–2020. i Plana aktivnosti za implementaciju
Platforme za mir 2018–2020.

Član 1.

1. Usvaja se Platforma za mir 2018–2020. kao okvirni i deklarativni dokument, koji ističe mir kao jednu od temeljnih i najvećih vrijednosti Bosne i Hercegovine, njenih naroda i građana.
2. Usvaja se Plan aktivnosti za implementaciju Platforme za mir 2018–2020.

Član 2.

Platforma za mir 2018–2020. i Plan aktivnosti za implementaciju Platforme za mir 2018–2020. su sastavni dio ove Odluke.

Za provođenje ove Odluke zadužuje se predsjedavajući Općinskog vijeća i Općinski načelnik.

Član 3.

Odluka stupa na snagu osmog dana od dana objavljivanja na oglasnoj tabli Općine Vareš.

PREDSJEDAVAJUĆI
OPĆINSKOG VIJEĆA

Adis Čizmo

Odluka objavljena na oglasnoj tabli Općine Vareš dana 31.07. 2018. godine.

OPĆINSKI NAČELNIK

Zdravko Marošević

O b r a z l o ž e n j e
Odluke o usvajanju Platforme za mir 2018–2020. i Plana aktivnosti za implementaciju
Platforme za mir 2018–2020.

1. Pravni osnov

Pravni osnov za donošenje ove Odluke sadržan je u članu 13. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06 i 51/09), članu 22. i 95. Statuta Općine Vareš – prečišćeni tekst, broj: 01-162/12 od 11. 09. 2012. godine.

2. Razlog za donošenje

Usvajanjem ove Odluke, Općina Vareš kao učesnica u projektu PRO-Budućnost (Povjerenje, Razumijevanje, Odgovornost za Budućnost) jasno pokazuje svoju spremnost i opredijeljenost za izgradnju povjerenja, razumijevanja i odgovornosti za budućnost s ciljem postizanja pomirenja i trajnog mira.

Platforma za Mir je jedan od ključnih projektnih dokumenata u formi deklaracije čije je usvajanje predviđeno na svim nivoima vlasti u BiH.

Platformu su inicirale lokalne zajednice na osnovu svojih potreba, a koncipirana je zajedničkim radom predstavnika akademske zajednice, nevladinog sektora, mladih i aktera projekta i inicijative PRO-Budućnost.

Dana 27.04.2018. godine, Općinski načelnik je potpisao Plan aktivnosti za implementaciju Platforme za mir 2018–2020.

Po usvajanju ove Odluke, Plan aktivnosti za implementaciju Platforme za mir 2018–2020., a koji se odnosi na aktivnosti Općinskog vijeća, potpisat će predsjedavajući Općinskog vijeća.

Platforma za mir 2018–2020. i Plan aktivnosti za implementaciju Platforme za mir 2018–2020. su u prilogu ove Odluke i čine njen sastavni dio.

3. Finansijska sredstva

Za sprovođenje ove Odluke su potrebna finansijska sredstva za implementaciju aktivnosti utvrđenih Planom implementacije Platforme za mir 2018–2020.

PREDLAGAČ:
OPĆINSKI NAČELNIK

Zdravko Marošević